

卷之四

《續修四庫全書》編纂委員會編

續修四庫全書

上海古籍出版社

七三五・史部・地理類

廣西名勝志十卷

〔明〕曹學佺撰

一

蜀都雜抄一卷

〔明〕陸深撰

一一九

蜀典十二卷

〔清〕張澍撰

一二七

續黔書八卷

〔清〕張澍撰

二九五

蠻司合誌十五卷

〔清〕毛奇齡撰

三四七

殊域周咨錄二十四卷（卷一至卷十二）

〔明〕嚴從簡撰

四六七

廣西名勝志

〔明〕曹學佺撰

據南京圖書館藏明崇禎三年刻
大明一統名勝志本影印原書版
框高一九三毫米寬二八二毫米

廣西總叙

元獻通考有嶺外代峇十卷永嘉周去非直夫模
所記皆粵西事據云唐分天下爲十道二廣不分
東西元和郡縣志以唐分嶺南安南桂管邕容爲
五府各置經畧使而嶺南節度治廣州是合廣南
五管並隸廣州亦不分東西矣至懿宗咸通三年
始陞邕管爲西道節度使而東西乃分宋汪應辰
題名紀云國初合二廣爲嶺南道至端拱元年監
察御史高象先爲廣西轉運使廣西分部命使實
始於此皇祐中儂智高平詔欲分廣西邕宜融
廣西名勝志 總叙 一
爲三路守臣兼兵馬都監而置經畧安撫使於桂
州以統之此今者粵西開府之制也宋朝會要云
大觀三年以黔南路併入廣西爲一路以廣西
南路爲名依舊桂州爲帥府四年仍舊稱廣南西
路張維廣西郡邑記云以漢志考之今之東路卽
漢之南路桂陽郡與夫桂陽郡之五縣曰桂陽潯
陽含洄陽山曲江是也蒼梧郡之三縣曰高要端
溪與夫廣信封陽俱屬焉其鬱林合浦珠崖儋耳
四郡與夫蒼梧之七縣是西路而交趾九真日南
自唐置安南都護歷五代遂爲羈縻國此似今者

兩廣總督之制也按 國初交趾雖入郡縣屢叛

不常至宣德間始棄之今僅修貢職不替而已○

代峇又云五嶺之說皆帶山名考之乃入嶺之途

五耳非必山也自福建入廣東之循梅一也自江

西之南安入南雄二也自湖廣之郴入連三也自

道州入廣西之賀縣四也自全入靜江五也○明

督學使魏濬西事珥云五嶺考見丹鉛錄臺嶺之

嶠在大庾騎田之嶠在桂陽都龐之嶠在九真龍

渚之嶠在臨賀越城之嶠在始安則西粵已占嶺

之三矣而廣州記謂大庾始安臨賀桂陽揭陽爲

廣西名勝志 總叙 二

五嶺其說頗異淮南子以爲始皇利越之犀角象

齒翡翠珠璣乃使尉屠睢發卒五十萬爲五軍

軍塞鐔城之嶺一軍守九疑之塞一軍處番禺之

都一軍守南野之界一軍結餘干之水然粵西新

米之外皆仰給東人所謂犀角象齒翡翠明珠未

有一焉及考其地則鐔城在武陵西南九疑在零

陵南野餘干在豫章大抵隔絕嶺表之路爾惟番

禺一軍軍在越地故謂之處謂之都亦中外縱橫

控制使不得動之意非必利其所有也又唐置五

管唐管桂管容管邕管瓊管屬之西者亦三○按

桂陽今郴州是有黃岑山在州之前一曰黃箱山
卽騎田之嶠其支曰析嶺者楚粵於此分界口萌
渚嶠在富川縣北與楚之江華爲界水南北分流
口始安嶠在興安縣界湘灘二源間相距百餘步
卽越城之嶠口臨賀嶺一曰桂嶺今謂在桂林者
誤○漢武帝元鼎間以衛尉路博德爲伏波將軍
出桂陽下湟水主爵都尉楊僕爲樓船將軍出豫
章下浚水發十萬師討南越歸義越侯嚴爲戈船
將軍出零陵下灘水甲爲下潯將軍下蒼梧越馳
義侯遣別將發夜郎兵牂柯咸會番禺獲其王建

廣西名勝志

總叙

上

德相呂嘉蒼梧王趙光降遂以其地爲蒼梧南海
九真交趾等九郡蓋伏波樓船兩路爲正師戈船
下潯攻蒼梧使自救而夜郎以備應援與秦五軍
之意大畧相似○隋義寧間羅川令蕭詵稱兵江
陵欽州刺史寧長真以鬱林附之始安郡丞李襲
志堅守不下詵攻圍二載外無聲援城陷詵仍以
葉志爲桂州總管復遣劉泊畧嶺表地得五十餘
城勝兵四十餘萬唐武德初葉志約嶺南酋永平
郡守李光度潛圖歸附高祖以書諭曰公朕之宗
不可與異姓比宜及子弟並豫宗正屬籍是年以

李靖爲行軍總管討平蕭詵靖踰嶺至桂州分道
招慰下十六州襲志誘諸嶺南酋皆送款詔授靖
嶺南撫慰大使襲志爲桂州都督靖以嶺表遼遠
久不見德化非示禮義無以變風因延見長老宣
布恩意嶺表率平○唐李方鎮擅命自相雄長楚
王馬希範割據靜江兼轄牂牁象郡南漢王劉晟
稱制番禺時脩郤于楚周廣順間南漢遣內侍吳
懷恩攻敗楚師以兵畧定宜連昭賀桂柳象龔等
州盡有嶺西地宋開寶二年以潘美爲桂州行營
都部署帥師伐南漢劉鋹聞宋師至內外震恐乃

廣西名勝志

總叙

四

遣龔澄樞馳往賀州畫守禦策宋前鋒至芳林澄
樞遣還遂圍賀州銀遣伍彥柔將兵援賀潘美潛
以奇兵伏南鄉岸彥柔夜泊南鄉艤舟岸側運明
棧彈登岸踞胡床指揮而宋伏兵卒起彥柔衆大
亂因擒彥柔斬之梟其首以示城中城遂降美帥
師次昭州破開建砦昭州刺史田行稠遁去城遂
陷桂州刺史李承進棄城而奔美乘勝克廣州降
劉鋹嶺南悉平 國初洪武元年
上以廖永忠爲征南將軍以叅政朱亮祖爲副帥
取廣東以平章楊璟左丞周德興叅政張彬取廣

西因諭永忠曰兩廣之地遠在南方彼此割據民
困久矣定亂安民正在今日若先遣人宣布威德
以招徠之必有歸款迎降者可不勞師旅慎勿殺
掠廣東既平留兵鎮守仍與平章楊璟等合兵取
廣西肅清南服在此一舉復諭璟等曰南方之地
皆入版圖惟兩廣尚未歸附命爾等率荆湘之衆
進取廣西兩軍合勢何征不克何堅不摧爾其務
靖亂止暴撫綏順附使遠人畏服懋建乃勛毋替
予命諸將皆頓首受旨五月永忠亮祖等既平廣
州兵至梧州境元達魯花赤拜住率官吏父老迎

廣西名勝志

總叙

五

降時元吏部尚書普顏帖木兒張翥以便宜行事
入廣西行次藤州聞永忠兵至欲募卒迎拒無有
應之者既而聞州守吳鏞出降乃率所部百餘人
走鬱林亮勒兵追之普顏帖木兒戰死張翥赴水
死亮祖駐兵藤州於是潯貴鬱林容州以次皆降
是時楊璟既克永州遂引兵抵靖江城下屯北關
叅政張彬屯南關亮祖帥師自廣東來會屯于東
門象鼻山下攻城越二旬不下璟語諸將校曰彼
所恃者西城濠水耳當先取開口關決其堤岸破
之必矣諸將曰諾明日遣指揮使丘廣引輕兵攻

開口關殺其守堤兵遂決堤濠水涸因築土堤五
道與其城接以逼之元守臣也兒吉尼勢窮蹙其
總制張榮與麾下裴觀以書繫矢射璟營約降期
是夜二鼓觀絕城見璟備言城中儲積空虛人無
鬪志可立取狀璟乃給白皮帽百餘俾歸為識約
四鼓從寶賢門入至期璟率衆登城曰殺人傷人
及標掠者死衆心遂安生擒也兒吉尼送於京師
左江太平府土官黃英衍右江田州府土官岑伯
顏等各遣使齎印章詣璟降 上既平廣西遣照
磨閻以權諭兩江谿洞居民詔曰朕惟武功以定

廣西名勝志

總叙

六

天下文教以化遠人古先哲王威德並施遐邇咸
服者也曠茲兩江地邊南徼風俗質朴自唐宋以
來黃岑二氏代居其間世亂則保境土世治則修
職貢良由審時知機故能若此頃者朕命將南征
兩廣平定爾等不煩師旅奉印來歸嚮慕之誠良
足嘉尚今特遣使往諭爾其克慎乃心益懋厥職
宣布朕意以安居民自是兩江諸夷贊琛者恐後
云○魏濬西事耳曰古之部置方州皆因山川
便與其道理遠近所宜故或因建瓴之勢以臨制
上游或順臂指之義以控運四外要歸於建威銷

萌以久治安而已若悉割兩江東包廉欽潯鬱以
北盡乎宜柳之境屬之邕管使自爲收鎮此所謂
臂指之義也則兩江谿峒可以馴服兩江既治雖
以南畧交趾可也或曰如此則何以爲廣西曰桂
林故衡湘地也天文分野上屬翼軫九疑蒼梧之
山形勢曼衍首起衡嶽腹蟠八桂而尾達平蒼梧
湘灘二水分繞其下桂林據其上游若屋極然所
謂建瓴之勢也衡永邵道桂柳諸郡綴附廣西并
故所轄桂昭梧三郡統之其封畧故爲不小矣今
荆湖地理濶遠行部使者病不能徧歷或議欲析
廣西名勝志 總叙 七
之而衡湘間數郡歲調兵食以給廣西蓋衡屬之
也若舉而移之經制一定爲嶺服安危計慮久宜
更無出於此○按張襄惠公序南寧志中有此論
與秦置桂林象郡吳分荆交之意畧同唐設桂林
邕州二都督府而宋平儂智高後邕州太守特蕪
經畧安撫之號兩江無事者近百年其效可睹矣
異日西南多故必有行其說者○今制廣西桂林
府屬桂林道平樂府屬府江道梧州府屬蒼梧道
柳州慶遠思恩三府屬右江道潯州南寧太平三
府屬左江道其蒼梧左右江道俱守巡分治之惟

桂林平樂則總一分守故守道曰桂平道而作以
天啓二年起家降補茲職云

廣西名勝志

總叙

廣西名勝志卷之一

閩中曹學佺能始撰

桂林府

附省

領州二縣七

史記秦始皇南取百粵置桂林象郡按象郡在今日南境桂林在兩江郡縣之間非今之桂林也漢書武帝元鼎六年改桂林郡爲鬱林今潯鬱二州其地咸有焉南史梁天監六年分廣州置桂林地亦不改大同六年改置桂州于始安郡督南桂林等二十四郡始爲今桂林矣始安郡在漢分屬零陵東漢建始安侯國于此三國吳甘露元年以零陵南部置始安郡其時黃蓋爲始安太守郡治多所規拓晉宋齊陳皆因之至隋開皇中廢始安郡名置桂州唐武德天寶之際始安郡及桂州更置不常至光化間陞靜江軍節度使宋紹興已後之靜江府元靜江路俱治其額 國朝仍復桂林之名以藩王爲靜江府改靜曰靖二義亦相通○城邑考云桂林子城在灘江之西周三里十有八步高一丈二尺唐莫休符風土記以爲唐初桂州總管李靖所築○古外城唐蔡襲築方六里有夾城在外城之北周六七里光啓中都督陳瓌築○

廣西名勝志

卷之一

二

古城六南曰寧遠俗呼陽橋北曰迎恩西二一曰平狄俗呼鍊爐一曰利正俗呼沙塘其東二一曰行春俗呼上東門其一則子城之東江門宋皇祐中平儂智高之後經畧余靖所築也王安石爲之記今門增十二曰東鎮就日癸水麗澤武勝文昌寶賢西清安定而寧遠行春東江三門仍舊○榕樹門卽古南門相傳爲唐時築門上植榕一株歲久根生跨門內外盤錯至地分而爲兩天成門狀車馬往來徑于其下 國初洪武八年展南城凡舊基率毀去惟存此門卽楊基詩榕樹城門却倒重也○東江門有樓冠其上唐時名東樓長史于邵九日陪廉使盧端公宴東樓有序今分守桂平道近此門故予詩云分司猶得近東江○東樓之北有樓曰逍遙宋之間登逍遙樓詩逍遙樓上望鄉關綠水泓澄雲霧間北去衡陽二千里無因鴈足繫書還宋崇寧初改爲湘南樓取韓退之詩中語也李彥弼有記今碑見存碑陰刻逍遙樓三字以爲顏魯公筆○唐人從城東至北建有三亭其一爲東山風土記云府之東門有大亭枕江與望月樓相接最近于城口一爲拜表亭風土記

云北接碧潯南連壘月東俯長河西隣雉堞前尚
書盧公匡建置□一爲碧潯亭接連道遙前近大
江館宇弘麗制作精緻高下敞豁冠諸亭院大中
初韋舍人璠所創也曹鄴碧潯宴上有懷知己荻
花蘆葉滿溪流一筵笙歌在水樓金管曲長人盡
醉玉簪思重獨生愁女蘿刀箭難逢地桐樹心孤
易感秋莫恠嘗歡却惆悵全家欲上五湖舟○陽
亭舊在陽江上迤西南城陽江之水入焉名曰陽
塘演漾數百餘畝岸帶樹陰洲連芳杜夏月藕花
盛開芬郁特甚今析入貢院及督學公署十之三

廣西名勝志

卷之一

三

四○宋之問故宅在城南二里卽玄山觀也宋雍
熙間刺史柳開玄山觀記云唐景雲初宋公南遷
愛其清致卜爲軒榭歿後夫人孫氏捨爲觀後五
十餘年夫人族弟倉部郎中成來爲刺史命開記
之後易爲真山觀○曹鄴宅在市西門阜財坊鄴
字鄴之本陽朔人唐大中登進士第後遷于此觀
寮令狐綯以鄴所居改爲遷駕坊○趙觀文故宅
在城西門外進賢坊舊臨桂學址觀文臨桂人唐
乾寧二年狀元○壘秦驛舊設于城北蓋古秦城
在城北八十里融灘二水間也唐柳子厚集有賦

北望秦驛手開竹徑至鈞磯亞待徐容州詩云幽
遷爲誰開美人城北來王程備餘暇一上子陵臺
至宋時改爲桂州驛咸平初陳堯叟爲轉運使以
嶺西風俗病者禱神不服藥乃集驗方刻石于驛
內今復移之稍東因改爲東江驛○魏濟嶠南瑣
記云東江驛去虞山西南三百步黃澤由癸方來
注之匯爲靜流東與灘江隔一洲洲上蒹楚萋密
而驛前竹樹林樾交接互映渌水一灣澄泓如染
了無塵土之態○舊始安郡及桂林郡廨俱在獨
秀山下 國初建置藩封乃移于醴樓街北唐李

廣西名勝志

卷之一

四

義山詩有口既載從戎筆仍披選勝襟瀧通伏波
柱簾對有皮琴宅與嚴城接門藏別岫深閣涼松
冉冉堂靜桂森森明指獨秀山也○八桂堂在揭
帝廟上宋紹興中龍圖閣鄱陽程節建更熙春臺
泛淥閣俱在左右按揭帝梵稱也堦在癸水就日
二門之間方廣數畝獨秀伏波二巖蕪影其中今
亦藩郡垣而閉之堂久不存○漢張衡四愁詩其
一曰我所思兮在桂林欲往從之湘水深側身南
望涕沾襟美人贈我金琅玕何以報之雙玉盤路
遠莫致倚惆悵何爲懷憂心傷煩唐王昌齡送任

五之桂林楚客醉孤舟越水將引棹山爲兩鄉別月帶千里貌羈譴同綰綸僻幽間虎豹桂林寒色在苦節知所効按卽任華也時爲李昌巖府中叅佐桂甫寄桂州楊五五嶺皆炎熱宜人獨桂林梅花萬里外雪片一冬深聞此寬相憶爲邦况好音江邊送孫楚遠附白頭吟韓愈送桂州嚴大夫蒼蒼森八桂茲地在湘南江作青羅帶山如碧玉簪戶多輪翠羽家自種黃柑遠勝登仙去飛鸞不假驂李商隱桂林卽事城窄山將壓江寬地共浮西南通絕域東北有高樓神護青楓岸龍移白石湫

廣西名勝志 卷之一

五

殊鄉近河嶺蕭嚴不魯休金石錄載唐桂州都督程元英碑李邕撰文張廷珪八分書大歷七年五月立○隋桂州總管陳莫頌墓誌正書無姓名武德八年十月○文獻通攷桂林風土記一卷唐融州刺史權知春州莫休符撰昭宗光化二年○桂林志一卷宋乾道五年靜江教授江文叔編時張維爲帥撰次刊刻○桂海虞衡志二卷府帥吳郡范至能撰成大自桂移蜀道中追記昔游○桂林盛事記子德儀紹興間人與石安世相爲引重安民二弟安行安持俱能文里人號

三石

臨桂縣 附郭

本漢始安縣吳立始安郡領縣七始安其一也唐武德初析置福祿縣貞觀省入始更今名○唐張籍送人之臨桂旌旆過湘潭幽奇得遍探蒹葭城百粵地荅路九疑南有地多生桂無時不養盤聽歌難辨曲風俗自相諳戎昱桂城早秋遠客驚秋早江天夜露新滿庭惟有月空館更何人卜命知身賤傷寒舞劍頻張翥會下淚可是爲憂貧宋陶弼送臨桂令戴若納出廣五嶺生還少無辭酒滿觴

廣西名勝志 卷之一

六

共經遠近事先出瘴煙鄉楚樹蟬聲早湖天日影原此行休問路宮闕斗杓旁○縣舊基在今府學內卽始安縣也唐時徙在郡治西南隅利正門下國初移今所乃舊縣學基○獨秀山踞城內稍東凝介獨立有端人正士之想國初考卜其陽爲藩邸朱扉四達周垣重遠蒼翠所及皆禁禦間地以故彤亭畫觀上出雲表下漸清池最爲諸山麗觀焉山故刻有孔子像按圖似元人所爲者起自唐大曆中李昌巖爲桂管觀察使建學其下設東西庠以居胄子備俎豆儀以親釋菜建中元年八月

二十八日監憲御史行鄭叔齊爲之記曰巖曰讀書以劉宋時始安人宇頴延之讀書于此巖前有五詠堂鶴五君詠不具錄頴詩曰未若獨秀者巖我邪邑間見鄭叔齊記內惜無全篇口桂海虞衡志云讀書巖在獨秀峯北傍周迴百餘丈豁然明朗有便房石榻石牖如環堵之室其西石壁垂乳潔白如雪有洞曰雪洞題名唐刑部員外郎孟簡元和元年三月三日遊宋朝奉郎通判桂州軍州事楊書思政和二年九月晦來孫覲北歸提點刑獄董芬招經畧安撫劉彥適轉運副使陳克判

廣西名勝志

卷之一

七

宮趙子巖微子蒙亭飯後登鐵牛寺塔徒步入藏院觀無盡老人畫像初寮道人書榜及讀書巖所刻五詠晚集於靜寄紹興四年十月十七日淳熙改元冬常恭曾遊開封王維則拉張信之啜茶巖下山王華公預焉淳熙十年歲次癸卯七月十九日題紹興甲戌三月二十七日知府事呂愿忠訪頴氏讀書巖淪茗鼓琴裏圃久之預者四人機宜劉襄監郡朱良弼司理葉仁宋乾道九年蔣時日新篆雙清室三字又有舊刻雪洞二字○桂山府治東北三峰連屬拔起于前次峯宛轉後峯

從總之皆北山也巖曰疊綠明張羽王紀勝曰桂城直北重門夾山山分東行卽爲疊綠有亭曰仙鶴又有越亭山穴透出北面因名北牖洞俗名風洞遠眺長江極目煙水唐會昌初元常侍晦時恣盤遊建大八角亭寫其真像而院卽爲寫真院歌臺釣榭石室蓮池故稱絕景口明臨桂令葉繼熙雜識云疊綠巖在城北又東數百步斗徑紆環奇石累積山腰有洞南北相通穿洞出山北歷級而升巖石益奇巖有三巨峰列峙唐韓翃詩三峰亭曉橋邊宿卽此也梯磴迴互遠眺群山作奔騰趨

廣西名勝志

卷之一

八

巖之勢口元常侍記云按圖經山以石紋橫布彩翠相間故名疊綠東行則枕壓桂水西巖有石門中有石像故曰福庭又門陰構齊雲亭迥在西北曠視大表想望歸途北人此遊多軫鄉思直渚之北有虛檻釣榭由此三逕各趨所抵左指山隈右之僧舍爲寫真堂北鑿山逕可抵栖真洞其右小支戟立四望故山名四望亭號銷憂亭之前後綿絡山腹皆逕梁危磴以相因委其詩曰乏才叨八使徇祿非三顧南服頒詔條東林證迷誤未聞述職効偶脫囂煩趣激水濬坳塘綠崖歛磴步西巖

煥朝旭深壑囊宿霧頽氣爽衣巾涼颼輕杖屐臨
高神慮寂遠眺川原布帆帆逗汀煙鷗鷺集江樹
獨探洞府靜悅若佳佳遇一瞬契真宗百年成妄
故辱顏石戶啓者靄溪雲度松籟韻官商爲覺勢
翔邇津梁危約架濟物虛舟渡環流馳羽觴金英
姘粧嫵茄吟寒壘迥鳥噪空山暮悵望麋鹿心低
迴車馬路懸冠謝陶令褰珮懷疏傳遐想蛻纓綾
徒懸郵襦袴福盈禍之倚權勝道所惡何必栖禪
關無言自真悟○夾北城而西是爲寶華當山中
斷續以雉堞下有重門爲西清寶積山自南來交

廣西名勝志

卷之一

九

概其曰前巖東嚮爲華景華景之前橫塘深廣晨
飄霞綺夕麗金波元常侍聯建亭曰巖光以巖拂
水而寫光也石屋半敞可布十筵其從翠壁上蟠
漸至峰首有諸葛祠從北至西城壁峻削皆斬崖
爲之雖石頭之險不能過焉唐以前謂西阜高起
名其地爲盤龍岡諸葛之祠無亦因是起與口虞
衡志云華景洞高廣如十間屋洞門亦然有石基
局爛柯石元常侍巖光亭詩石靜如開鏡山高若
簷蓮筍竿抽玉管花蔓綴金鈿亦長篇之斷壁也
臨桂雜識云華景石洞毗聯朱扉數啓周迴完密

若寢室然窈窕深通紆轉徐折聞而復明益洞之
後別敞爲口耳附崖竹木掩映闐若仙居絕頂至
諸葛祠臨高矚遠豁然一大觀云○隱山當夾山
南口潛洞出其東北西山屏其西南亂石疊盤北
高南下中藏六洞洞皆有水溢出爲湖唐李渤名
其洞之水曰蒙泉疏水出山名曰蒙溪諸洞名曰
朝陽夕陽南華北隔白雀嘉蓮各有隸書三字曩
日湖光之勝具吳章記中今廢爲平疇矣吳武陵
記畧云西出門里許得小山山下得伏流北上四
十餘步得石門左右劍立自石門西行十步得北

廣西名勝志

卷之一

十

洞如室清縹若繪上有石窓下望千山如指自石
室東迴三步得巖有水泓然其色墨綠巖北露半
穴如門出門有潭表二十步潭有菱荷潭北十步
得溪溪橫五里徑二百步可方舟泐然有江海趣
魚龍滉瀾鷗鷺浮泊如泰山門東南越小嶺石林
危嶠夾脊自嶺下十步得東巖自巖口直下二十
步有水淺莎細草如織南望有結乳其白擁雪自
巖西南上陟飛梯四十級有碧石盆二乳竇滴下
酌飲承之又陟梯九級得白石盆盆色如玉盆間
有水香耳自然可飲十人還自石盆東北上又十

二級得石堂乳穗駢垂擊之鏗然作金玉聲自堂北出四步直西南入小峽得內洞東有石室如畫頂上方井弱翠輕綠便如藻繡自洞南下仰瞻東崖有疑乳如樓如閣如人如獸自樓閣斗下七步次石梁渠深七十尺渠上爲梁曲折縈繞三百步自梁直南抵絕壁斗下飛梯九盤及水水北崖石閣峭甚綴以欄檻適堪宴息自石閣還上絕壁西十步又得小洞僂行三十步左右壁有鐘乳或垂或滴壁窮有石室多白蝙蝠出小洞北上二十步得外洞壁下有石數十其面砥平間有凹鐫琴薦

廣西名勝志

卷之一

十一

資慶寺相傳宋崇寧間米芾爲臨桂尉任蒲寓西山資慶寺與詩僧紹言遊有贈紹言詩序唐戎昱西山上陸大夫登高上山高處更堪愁野菊他鄉酒蘆花滿眼秋風煙連楚郡兄弟客荊州早晚朝天去親隨定遠侯宋孫抗題朝陽洞險絕信天開春蘿陰古苔不愁雲影閉先得日光來片石充基局涼波遞酒盃東風偏著意草木爛成堆抗于六洞各有題詠不具錄題名河內李會伯再牧桂之明年實開肇改元上命三衢柴士表視邊隘竣事將還夏六月二十一日約憲倉四明豐蒞兵帥

廣西名勝志

卷之一

十二

汪光朱廣用苻離朱煥載酒千山觀訪招隱過仙奕感今懷昔風物固亡恙也時火傘張空水花蘸碧相與徜徉其間清不受暑因得四十字并識諸石○中隱山山城西南五里至則小溪淺碧可踐而過循麓入巖巖有三重其下着地者最爲廣平上漸斬削然戴履純石瑩然朗淨無復干方埃塽狀陟第三重據牖而望若游目天表暝煙歸鳥皆從下飛侯山返照入巖轉光風自西來薄巖拂樹與東麓僧菴鐘磬相和炊煙縷縷起叢薄間其傍有木林村居人頗衆按中隱一作鍾隱土人目佛

子巖以宋乾道間建有福緣寺爲僧祖華所居故名題名元豐二年八月十八日劉宜父曾公冕苗永孺僧紹簡遊枯蒼官定夫莆陽方孚若長樂陳庸仲嘉定癸酉先重陽一日來遊詩境癸酉三月三日遊詩境卽孚若之別號蕭子敬向伯大王德強呂叔舉鍾德元張聖泳鍾長卿王必大端平丙申下元前二日來遊長沙鍾春伯豫章范旂叟端平丙申歲十月既望前三日同遊臨川羅思淳祐辛丑中伏日約曹伯虎聶世用梁份魏牧楊義仲趙時頌陳贈汪知幾翁崇櫚觀稼西郊至呂公巖

廣西名勝志

卷之一

三

浮州覽湖山之勝觀石湖南軒諸賢題字時雨初霽涼風先秋穡事可期因志其書陳鐸叔振周子榮景仁范得輿民載趙孟邁君啓淳祐辛亥前立春二日同遊○琴潭山在城西六里群山中有一小山巨石林立如錐解刀削其下空洞成潭水流琮琤如琴筑聲前有小巖虛廣明潔石榻石琴各一具傍又有荔枝崑俯石門而入深十餘丈多滴乳垂綴若荔枝宋方提刑題云孚若舟至桂林歷窮勝踐最後始得清秀玉乳荔枝琴潭四巖而琴潭水石又諸巖之冠是日川原平衍群峰環抱愛

之不能去○清秀山從西清門下濠石道上西舉入夾山口緣山行又里許有塘曰清巖出其上環桂諸山本以孤峭標秀而是山則闢連隴湊盤紆弗鬱長可一里餘獨以巖門下瞰塘水山澤通氣清彩映發如其名焉入門則有兩巖東西對闢上出山半其迥朗亦適相敵北郭諸山近在東壠可招而至其西則陽江北來倚檻而望批崖越壑其流汨淪過下庄居者前水波寬緩山漸深土漸衍似村塢可耕矣方信孺詩幸徧洞天三十六蒼窺獨闕此巖扉旋除野草開新逕遮莫寒藤刺客衣

廣西名勝志

卷之一

十四

歲月偶同題壁字煙霞似不放人歸把茆欲作開山王已落羅臺第二機張自明和甲子循環各一時又逢青大護巖扉金墉城鎖瑤池苑蒼玉樓鋪錦地衣萬里西風生木末數聲湘竹叫雲歸明朝天上秋期近問訊河邊織女機題名龍圖閣直學士經畧王公若愚與提點刑獄劉子至提舉學事唐夢傳大張旌旆觀稼近郊烹今歲建茅於此遂過微雲諸閣大觀元年五月十六日權發遣轉運副使公事張莊正民題杜唐臣張通夫王誠中張通市董君佐姓聖程聖欽元符三年八月旦同遊

欲騎日月超然之韻端臣德題公輔公密大觀庚寅清明前六日遊男叔侍明叔仲明仁仲子源靖康政元五月中休同遊是歲初冬九日明叔仲明子源同晉卿再來郡守呂叔恭以甲戌季春七日遊中隱巖山水之興未已後兩日再拉機宜劉子思監州朱國輔經屬陳朝彥同至新洞所見愈奇真所謂倒食其蔗也巖山人曰巖居蓋有朱元順云是時張安國帥桂年壯氣盛少所屈意乃紆騶入谷親與其客造朱所栖至勒之石豈桂之蜚遞之士朱獨高舉希慕遺風安國遂從而禮異之於巖

廣西名勝志

卷之一

五

以風部內乎了達之牒乃判府汪公聖錫所給且稱了達有苦行巖刺具在來遊者後之君子可按焉巖山人即張羽王鳴鳳也○巖山一名沈水山在城東南隅唐龍朔中曾降天使投龍于此陽江西來東入灘水魁然起據南阜之端橫障江口洞曰水月門出水上其高倬闊夏秋之交移舟入焉遊魚千百滌滌几席間宋提刑方公信孺即南壁下建精舍以居曰雲崖軒其爲詩云不用窮探費杖藜隱然林壑挾城陴曾遊月洞千巖上更着雲崖一段奇拂拭軒窓容俎豆發輝泉石借聲詩羅

巖頗似知人意已約想帶雪移口范成大後水月洞銘并序云水月洞巖巖山之麓空踞江春水時至湍流貫之石門正圓如蒲月樣光景穿映望之皎然名實其實舊矣近歲或以一時燕私更其號爲朝陽邦人弗從且隱山之洞旣曰朝陽矣不應相重乾道九年秋九月初吉吳人范成大甫田林光朝致古發宜俾復其舊成大又爲之銘曰有嵌屏巖中淙漲湍水清石寒則魄在上終古弗爽如月斯望巖山之英巖江之靈復其嘉名題名會布陳倩苗時中劉宗傑齊謀劉誼宋元豐二年

廣西名勝志

卷之一

六

中秋遊淳熙乙未歲中秋日廣漢張敬夫約長樂鄭少融玉山趙養民同遊水東諸巖薄暮自松關放舟泊水月洞天宇清曠月色佳甚因書崖壁以紀勝槩臨江會宏正崇仁吳湜廬陵楊壽惠三山陳華子羽士李可道同遊子公邁公适侍淳熙癸卯九月望桐廬詹儀之以淳熙戊申四月辛巳同臨賀別駕涂四友欽陽守陳昭嗣前桂林郡文學陳邕泛舟訪水月洞登營家洲時亭榭一新江山改色懷古攬勝勝詠忘歸後一月辛酉約幕屬陳邕唐庭堅雷寔憲屬陳東漕屬黃奕余傳劉三錫